



Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 50. Alphonsi Salmeronis fata.

[urn:nbn:de:hbz:466:1-67246](#)

quas ex Beroſi, Manethonis, aliorum- Sæcul. XVI.
que minus probatæ fidei scriptorum ope- A.C. 1585.
ribus hauerat, tribuiffe insimulatur,
Sepultus jacet Coloniæ apud Canoni-
cos Nazarethanos.

§. L.

Alphonsi Salmeronis fata.

Tertius ex Scriptoribus ecclesiasticis *Alegamb. de*
hoc anno defunctis erat Alphonsus Script. Soc.
Salmeron Jesuita, patria Toletanus, *Sanch. hif.*
qui ex decem primis sancti Ignatii sociis Soc. p. 5.
unicus adhuc vita superstes Neapoli hoc l. 5. p. 236,
anno die decima tertia Februarii satis
cessit. Hic Compluti studiorum curri-
culum emensus linquarum peritia cele-
bris evasit, ac Parifios contendit, Phi-
losophiæ, & Theologiæ operam datu-
rus, ubi etiam cum sancto Ignatio, qui
hanc societatem suam erigere medita-
batur, conferens, se se eidem adjunxit,
eiusque magisterio addixit: postea ve-
ro pro conservanda Religione in variis
Europæ Regionibus, præcipue in Gal-
liis, Belgio, Hibernia, Germania,
atque in Italia strenuam impendebat
operam, cunctisque in urbibus cum in-
genti Auditorum applausu Verbum Dei
annuntiabat. Interfuit quoque Syno-
do Tridentinæ trina vice sub totidem
Pontificibus Paulo III., Julio III., &
Pio IV. congregatæ, ubi etiam de
sancto

Sæcul. XVI.
A.C. 1585.

sancto Joanne Baptista panegyrin habuit, quæ ad calcem in hujus Concilii actis refertur. Demum ad Societatis Collegium a semetipso Neapoli erectum sese recipiens, ibidem anno ætatis sue sexagesimo nono animam Deo reddidit. Hic quamvis assiduis laboribus evangelicis, variis itineribus, ac continuo prædicandi studio distentus esset, nihilominus residuum nanciscebatur tempus, ut plura opera sexdecim majoris formæ voluminibus comprehensa, ac primo Madriti, postea vero Coloniæ impresa conscriberet, in quibus habentur tractatus in sacrum Codicem, prolegomena, quæstiones Evangelicæ, Commentarii in Actus Apostolorum, & epistolas Canonicas. Ceterum Alphonsus magna scribendi facilitate, ac profunda eruditione inclarescebat, minor tamen artis criticæ usus, atque exiguum in rebus discernendis judicium, necnon tædiosa prolixitas in ejus libris deprehenditur: denique ejusdem sermones in Evangelii parabolas pariter Coloniæ typis editi prostant.

§. LI.

Caroli Sigonii obitus.

Thu. l. 82.
Baillet ju-
gen des
Seav. sur

Postremus denique erat Carolus Sigonius Mutinensis qui celeberrimi Romuli Amasæi magisterio usus, atque a Veneto